



KOMMUNE KUJALLEQ

## Atorfimmik atornerluisoqannginnissaanut politikki

Kommune Kujallermi sulisunut

3 juuni 2020  
Postboks 514  
3920 Qaqortoq  
E-mail: [kommune@kujalleq.gl](mailto:kommune@kujalleq.gl)  
Telefon: (+299) 70 41 00  
Fax: (+299) 70 41 77

Allattoqarfik | Sekretariatet

### Imai

1.	Atorfimmik atornerluinermut akuersaanngilluinnarneq .....	2
2.	Atorfimmik atornerluineq sunaava? .....	3
3.	Soqutigisat aporaannerat.....	4
4.	Akiliilluni peqquserlutsitsineq .....	4
5.	Tunissutit .....	5
6.	Qanigisanik salliutitsineq pingaarnersinerlu .....	6
7.	Atorfimmik atornerluinerit pillugit nalunaaruteqarneq .....	6
8.	Ileqqorissaarnissamut najoqutassat .....	6
9.	Unioqutitsisunik nalunaaruteqartarneq. ....	7

## 1. Atorfimmik atornerluinermut akuersaangilluinnarnek

Kommune Kujallermi sulisut Kalaallit Nunaanni suliaqarlutillu nunani tamalaani ilaatigut ataatsimiinnerni ataatsimeersuarnernilu peqataasarpud. Taamaasillutik sulisut sorpassassuartigut pisortat suliffeqarfutaannut suliffeqarfinnullu namminersortunut, ingerlataqartunut innuttaasunullu qanimut atassuteqartarput.

Inuiaqatigiit sinnerlugit pisortat sulinerat inuiaqatigiinnit pinngitsoorneqarsinnaangilaq inuiaqatigiillu pisortanik assut toqqammaveqartarlutik. Tatiginnineq taanna allanngutsaalisassaavoq illersugassaallunilu. Atorfimmik atornerluineq inuiaqatigiit patajaassusiannut navianartorsiorititsisarpoq, tamat oqartussaanerannut tamatumani lu naleqartitanut tatiginnigunnaarsitsisarlu. Atorfimmik atornerluineq ajortuunngitsutut isigineqalissapat qisuariarfigineqanngippalluunniit inatsisit naapertuilluarnikkullu tunngaviusut isumaarutissappud. Pisortat ataqqinarluinnartuunerannik inuunerminni toqqammaveqartut tamarmik tamatumuunakkut eqqunngitsuliorfigineqassappud.

Atorfimmik atornerluinerit assigiinngitsorpassuusinnaappud. Ilisimaneqarnerpaat tassaappud akiliilluni peqquserlutsisineq, ilaqtanik ikinngutinilluunniit salliutitsineq imaluunniit pinngitsaalilluni akiliisitsisarnek.

Atorfimmik atornerluineq nalilinnik aningaasanik tunissutinilluunniit tunniussisarnikkut pisinnaavoq - aamma sunniuteqarumalluni, immikkut pineqarumalluni, immikkut illersorneqarumalluni, saniatigut sullinneqarumalluni sullinneqarnerminiluunniit salliutinneqarumalluni sullissinernik ilaqarsinnaalluni.

Atorfimmik atornerluineq tassaatinneqartarpoq imminuinaq pilluni pissaanermik tunniunneqarsimasumik atornerluinertut. Pissaanermik tunniussineq tassaasinnaavoq assersuutigalugu atorfillit qinikkatulluunniit atorfeqarneratigut inummut pisinnaatitsissut. Sulisut ataasiakkaat atorfitik aqutigalugit sullissinernut aalajangiinernullu sunniuteqarsinnaappud, soorlu assersuutigalugu niuerniartarnissamik isumaqatigiissusiornissamik aalajangernertut, taamaalillutillu pissaanertik atussallugu. Imminuinaq iluanaartinniarnerup malitsigisaanik pissaanermik tunniunneqarsimasumik atuilluni assersuutigalugu kommunimi nunaminertamik atugassanngortitsinissamik imaluunniit inunnik akuersaarfiusumik sullissinissamik aalajangernikkut sullinneqartumut sunniinartoqarsinnaavoq. Kommune Kujalleq atorfimmik atornerluitsaaliornissamat politikkimi atulersitsinermigut nunat tamalaat akornanni kaammattuutigineqartut naapertorlugit atorfimmik atornerluisoqaratarsinnaanera pinaveersimatinniarpa. Atorfimmik atornerluitsaaliornermut politikki politikikkut isummernerinnaangilaq, aammali Kommune Kujallermi qanorluunniit atorfillit tamarmik atorfimmik atornerluineq taamaalisoqaratarsinnaaneralu pillugu suliani najoqqutassaqartinneqalerlutik. "Transparency Greenland" naapertorlugu saqqumisumik ammasumillu sulineq atorfimmik atornerluinerup akiorneqarnerani pingaaruteqaqaaq.

Innuttaasunut suleqatinullu kiisalu suliffeqarfup iluani ammasumik saqqumisumillu pissuseqarnissaq Kommune Kujallermi ilungersuutigineqarput kiisalu sulinermi pissuserissaanissamat najoqqutassat pitsaanerpaat malinneqassallutik. Sulisut tamarmik sulinerminni allanillu naapitsisarnermi pissuserissaassappud. Sulisup qularuni pisortani aperissavaa. Pisut aalajangersimasut atorfimmik atornerluinermit kinguneqarsinnaasut tamatuminngaluunniit pasinartoqalersitsisinnaasut qanoq pineqarnissaat atorfimmik atornerluitsaaliortitsineq pillugu malittarisassani sammineqarpoq. Atorfimmik atornerluineq inuiaqatigiit soqutigisaannut ajoqutaavoq. Sulisut ataasiakkaat, innuttaasut, inuiaqatigiit soqutigisaasa kiisalu tamat oqartussaanerata nukittuup illersorneqarnissaat atorfimmik atornerluinaveersaartitsiniarluni politikkimi matumani siunertarineqarpoq.

## 2. Atorfimmik atornerluineq sunaava?<sup>1</sup>

Atorfimmik atornerluineq aningaasanik tunisinerinnakkut pineq ajorpoq assigiinngitsorpassuartigullu ersersinnaalluni. Quppernermi uani atorfimmik atornerluinerit assigiinngitsut nassuiarneqarput.

- Akiliilluni peqquserlutsitsineq:

Atorfimmik atornerluineq eqqaaneqaraangat akiliilluni peqquserlutsitsineq amerlanerit eqqaaneqartarpoq, tamatumani sullissinerit nalinginnaasumik pissarsiarineqartussaangikkaluartut akiliinikkut pissarsiariniarneqartarput.

- Sunneruminarsaaneq:

Aningaasat sunneruminarsaassutigineqartut assersuutigalugu atorfilittamat tunniunneqartarput sullissinerit pisinnaatitaaffiinagaluit ilumut tunniunneqarnissaat qularnaarneqartussanngorlugu, imaluunniit piffissami piviusorsioriumi tunniunneqartussanngorlugit.

- Tunissutit pitsaasaarnerillu:

Tunissutit pitsaasaarfineqarnissamillu neqerooruteqarnerit siunissami suleqatigiligassanut imaluunniit massakkut suleqatigisanut pitsaasumik attaveqalerumalluni atornerqartarnerat nalinginnaaqaq. Ingasaassisoqannikkaangat taakku tupinnartoqarneq ajorput. Tunissutilli pitsaasaarnerillu annertusivallaarpata akiliilluni peqquserlutsitsinertut oqaatigineqarsinnaalersinnaapput akinnganneqarnissamik ilisimasulluni tunniunneqarnerat pissutigalugu.

- Soqutigisat aporaannerat:

Soqutigisat aporaannerat amerlasuutigut suussusersiuminaattarpoq toqqortoqisumik peqquserlunnerusarmat. Tamatumani inummut tunngassuteqartut soqutigisallu suliffeqarfiup pisortalluunniit ingerlatsiviata soqutigisaanit salliutinneqartarput.

- Ajunngitsuliorluni tunissutit aningaasaliisuunerillu:

Piviusorsioriumik qivaraanni ajunngitsuliorluni tunissutit aammalu aningaasaliinerit namminissarsiorani aammalu ajunngitsuliorumaannarluni tunniunneqartuaannangillat, taamaaliornikkulli naatsorsuutigineqartarluni suliffeqarfik akisussaassusilittut inuiaqataanermillu pingaartitsisutut takoqqusaarutigineqassasoq imaluunniit nittarsaaneqassasoq. Tamanna immi ajornartorsiutaanngilaq, kisiannili nittarsaassinerup takoqqusaarinerullu saniatigut aningaasanik tunisinermi allatigut pissarsinissamik ilimasuttoqarsimassappat tunissuteqarneq aningaasaliinerluunniit peqquserlunnertut oqaatigineqarsinnaalissapput

- Politikkikkut tunissutit:

Suliffeqarfiit inuinnaalluunniit politikkikkut tunissuteqarnissaat soorunami inerteqqutaanngillat akuerisaalluinnarlutillu. Kisianni suliffeqarfiit inuinnaalluunniit partiimit qinikkanilluunniit ataasiakkaanit pissarsiaqarniarnerisa nalaanni tunissuteqartoqarsimappat tamanna peqquserlunnermut ersiutaasinnaavoq. Taamaammat akinnganneqarnissamik piumasaqarani tunissuteqartoqarsimanera qularnaarneqarsinnaanngorlugu kikkut kimut tunissuteqarnerisa isertuunneqannginnissaat pingaaruteqarpoq.

---

<sup>1</sup> <https://www.transparency.gl/hvad-er-korruption/>

### **3. Soqutigisat aporaannerat**

*Inuttut soqutigisagut aamma Kommune Kujallermi soqutigisat akornanni soqutigisat aporaanneri pinngitsoortissavagut.*

Suliami aalajangersimasumik illuinnaasiunngitsumik kinaassusersiunngitsumillu suliarinninnermut sunniteqarsinnaasumik sulisoq ataaseq namminerisaminik soqutigisaqartillugu soqutigisat aporaatilersarput. Nammineq soqutigisanut ilaapput sulisup nammineq soqutigisai aamma sulisup ilaquutaani, ikinngutaani inunnilu allani imaluunniit suleqatigiiffinni, inuussutissarsiornikkut, inuttut imaluunniit politikkikkut sulisup atassuteqarfigisaani soqutigisai.

Inuiaqatigiit ikittunnguusut imminnut qanitariittarnerisa kingunerisaannik nammineq soqutigisat aamma oqartussat soqutigisaat aporaateqqajaasinnaasarput. Iluanaaruteqalissanganeq malunnartuaannanngilaq, taamaali sunniteqartussatut misigineqarsinnaalluni. Sulisoq soqutigisatigut aporaattoqarsinnaanerani imaluunniit aporaattoqarnerani nalaataqaruni qullersaminut erngerluni nalunaaruteqartussaavoq.

Pisortat ingerlatsineranni suliassat suliarineqartarnerat pillugu inatsisartut inatsisaanni 13. juni 1994-meersumi § 3-mi sulisoq, pisortat ingerlatsineranni sulisoq, pisuni sorlarni suliami peqataasinnaannginnera pillugu maleruagassanik aalajangersaasoqarpoq. Malittarisassat taakku naapertorlugit sulisoq suliami aalajangeeqataasinnaassuseqartangilaq inuttut aningaasatigulluunniit immikkut suliamut attuumassuteqaruni, imaluunniit siusinnerusukkut kimut arlaannut taama soqutigisaqartumut sinniisuusimaguni. Aamma taamaappoq sulisup qanigisaa suliami inuttut aningaasatigulluunniit immikkut attuumassuteqarpat imaluunniit suliani tassani inummut taama soqutigisartumut sinniisuusimappat. Assersuutigalugu sulisoq aamma suliamut attuumassuteqarpallaassaaq suliaq inissiaatileqatigiiffimmut sulisup aapparisaata piginneqataaffigisaanut tunngassuteqarpat. Taakku saniatigut suliamut atatillugu aallaaviatigut sulisoq suliamut attuumassuteqarpallaassaaq ingerlatseqatigiiffimmut, peqatigiiffimmut namminerisamilluunniit ingerlatamut suliap qanoq inernissaanut soqutigisaqavissumut aqutseqataaguni. Aamma sulisoq attuumassuteqarpallaassaaq taassuma illuinnaasiunnginneranik qularutiginnilersinnaasumik pisoqarsimappat. Assersuutigalugu sulisoq nioqutissanik pilersuisuusumi aqutsisunut ilaasumik ikinngutigilluagaqarpat taama qularutiginnilersoqarsinnaavoq.

Kisiannili siuliani allasimasut apeqqutaatinnagit sulisoq attuumassuteqarpallaartutut oqaatigineqarsinnaanngilaq suliamik aalajangiineq attuumassuteqanngitsumut iluaqusiiniarnertut isigineqarsinnaanngippat attuumassuteqarnerup qanoq ittuussusia annertussusialuunniit, suliap qanoq ittuussusia imaluunniit suliap suliarinerani sulisup qanoq inissisimanagera pissutigalugit. Suliassat suliarineqartarnerat pillugu inatsimmi § 3 malillugu sulisoq suliami ataatsimi attuumassuteqarpallaarpat sulisoq taanna suliap suliarinerani aalajangiissanngilaq, aalajangiinermi peqataassanngilaq imaluunniit suliarinerani peqataassanani. Suliamut attuumassuteqarpallaarneq pillugu malittarisassat naapertorlugit ingerlatsivinni inatsisit malillugit aalajangiinerit atorunnaarsinneqarsinnaapput suliamut attuumassuteqarpallaamit suliarineqarsimanagerat pissutigalugu. Sulisoq suliamut aalajangersimasumut attuumassuteqarpallaarsoriguni, attuumassuteqarpallaarniniluunniit nalornissutigiguniuk erngerluni pisortarisaminut nalunaassaaq.

### **4. Akiliilluni peqquserlutsitsineq**

*Akiliilluni peqquserlutsitsinerit suulluunniit akuerinianngilavut.*

Akiliilluni peqquserlutsitsisoqarsimassaaq sulisoq sunnernerlugu sunik nalilinnik iluaqutissanilluunniit neqeroorfigineqarpat, tunineqarpat, neriorsorneqarpat, tigusaqarpat, taamaaliornissamik piunasaqarpat, akuersippat piunasaqarpalluunniit. Atorfillup pisortani sulinerani imaluunniit inatsisit malillugit suliaqarnerani akiliilluni peqquserlutsitsineq immikkut maluginiagassaasarpoq.

Sulisut ataasiakkaat sumik naliliimmik neqeroorfigineqarunik taamaaliornermut suna pissutaanersoq naliliiffigisagaat pingaaruteqarpoq.

Akiliilluni peqquserlutsitsineq imaangilaq aatsaat pisarteq siunertamik toqqaannartumik nalunaartoqarsimagaangat. Tassa, siunertaq oqaatigineqanngikkaluarpalluunniit akiliilluni peqquserlutsitsisoqarsinnaavoq.

Kalaallit Nunaanni akiliilluni peqquserlutsitsinissamik neqerooruteqarneq imaluunniit akiliilluni peqquserlutsitsinissamik neriorsuineq pinerluttuliorneruvoq, taamatullu akiliilluni peqquserlutsitsinermik tigusineq, akuersineq imaluunniit piunasaqarneq pinerluttuliorneruvoq.

## 5. Tunissutit

*Sulinitinnut sunniinarnertut isigineqarsinnaasunik toqqaannartumik toqqaannangitsumilluunniit tunissutinik iluaqutissanilluunniit allanik piunasaqarataluunniit tigusaqassanngilagut. Sulisut nalinginnaasumik inoroorsaarfigineqarnitik annikitsunillu tunissuteqarfigineqarnitik suli akuersaarsinnaassavaat.*

Tunissutit ajunngitsorsiallu allat matumani sorpassuutinneqarsinnaapput kiisalu tigussaasunut (soorlu sukkulaatinut, atuakkanut, viininut) tunngasinnaallutik aammalu sunut tigusaanngitsunut tunngasinnaallutik (soorlu akikillisaanissamik angalanissamik, pikkorissarnissamik nerisaqartinneqarnissamilluunniit neqeroorutitut) Aamma aningaasanik tunissutit ilaasinnaapput, assersuutigalugu kingornussisussanngortitsinerit. Tunissutit ajunngitsorsiallu - qanoq naleqarnerat sunalu pillugu tunniunneqarnerat apeqputaatinnagu - sulisunut neqeroorutigineqartarput taassuma pisortani atorfeqarnera pissutigalugu. Tunisisoq tassaasivinnaavoq inuk ataaseq, soorlu utoqqaat illuanni najugalik, kommunip paaqqinnittarfiani meeqqamut angajoqqaq imaluunniit nunaminertamik piginnittoq sanaartornissamut akuersissummik kommunimit pissarsiniarteq.

Tunisisoq aamma tassaasivinnaavoq suliffeqarfik namminersortoq, suliniaqatigiiffik imaluunniit avataaneersoq alla.

Uku nassuiarneqartut avataaniippat tunissutit ajunngitsorsiallu allat suliffeqarfiup iluani sulisunut tunniunneqartut, soorlu aasarsiorluni nalliuttorsiornermut imaluunniit juullerpalaqatigiinnermut aqutsisuniit tunissutaasut. Tunissutinut matumani pineqartunut ilaangillattaq tunissutit soorlu sulisut atorfimminut immikkullu ilisimasaqassuserminut atatillugu saqqummiineranut oqalugiarnanulluunniit viinit marlussuit tunissutigineqartut.

- Tunissutit ammalluinnartumik tunniunneqartariaqarput kiisalu aqutsisuuneq sulisuinnaanerluunniit apeqputaatinnagu tigusisumut sumilluunniit pissusaaffiliisariaqaratik. Tunissutit niuernikkut pissarsiaqarniarluni atorfeqartassanngillat taamatulluunniit isigineqassanatik.
- Atorfininnermut, suliariumannittussarsiornermut, naliliinnermut imaluunniit isumaqatigiissusiornermut atatillugu tunissutinik tigusaqartoqartassanngilaq.
- Tunissutip tigujuannanginissaa tulluanngippat kingusinnerusukkat tunisisumut nassuiaatitalerlugu utertinneqarsinnaavoq imaluunniit tunisisup ilisimatereerneratigut suliniaqatigiiffimmut ajunngitsuliortumut tunniunneqarsinnaalluni.
-

## **6. Qanigisanik salliutitsineq pingaernerussinerlu**

*Atorfinititsinerlut, pisiniarnerlut, ikiorsiinerlut, siunnersuinerlut allanulluunniit atatillugu ikinngutivut, ilaqquttavut allalluunniit qanimut attuumassuteqarfigisavut salliutittassanngilavut.*

Qanigisanik salliutitsineq tassaavoq ilaqquttanik ikinngutinilluunniit piginnaaneri apeqquataatinnagit salliutitsineq. Ilaqquttanik ikinngutinilluunniit salliutitsineq pineqartup pisinnaasaanik piginnaasaanillu pitsaasumik, piukkunnaateqartumik kinaassusersiunngitsumillu aalajangiisoqannginneranut takussutaavoq, kisiannili sulisut inuttut pineqartumut attuumassuteqarnera aallaavigineqarluni. Qanigisanik salliutitsineq tassaasinnaavoq iluaqutissiineq soorlu atorfinititsineq, pilertornerusumik sullissineq, niuerniarneq pillugu isumasioqatigiissusiorneq imaluunniit sumik allamik allanit salliutitsineq. Pingaartumik inuiaqatigiinnguani sulisut ilisarimasarinngisaannik atorfinititsiniarneq ajornakusoorsinnaavoq avaqqukkuminaassinnaalluunniit. Tamannali immini ajornartorsiutaanngilaq. Aatsaat sulisumut ataatsimut arlalinnulluunniit inuttut attuumassuteqarneq tunuliaqutaralugu pineqartoq atorfinititsineqarpat imaluunniit salliutinneqarpat ilaqquttanik ikinngutinilluunniit salliutitsineq pineqalersarpoq. Ammasumik saqqumisumillu pissuseqarnikkut suliassap sularineqarnera, aalajangiinerit kiisalu atorfinititsinerit illuinaasiunngitsumik salliutitsinertaqanngitsumillu pinissaat qularnaarneqassaaq.

## **7. Atorfimmik atornerluinerit pillugit nalunaaruteqarneq**

*Atorfimmik atornerluinerit atornerluiniarnerilluunniit suulluunniit nalunaarutigissavavut.*

Kommune Kujallermi sulisut atorfimmik atornerluisoqarneranik, atornerluiniartoqarneranik imaluunniit tamatumani malitassanik toqqammavinnilluunniit sumilluunniit uniuisoqarneranik pasitsaasaqarunik uppernarsaatissaqarunilluunniit nalunaarutiginnittussaapput. Peqquserluuteqartunik nalunaaruteqartarneq (whistleblower) 2020-imi atuutilersinneqartoq tamatumani atornerqarsinnaavoq.

## **8. Ileqqorissaarnissamut najoqqutassat**

Peqquserlunneq pinaveersaarniarlugu ileqqorissaarnermi najoqqutassat

1. Akiliilluta peqquserlutsitsinaviannngilagut taamaaliomerlu akuerinaviarnagu.
2. Namminerisamik siunertat atorlugit pisortani atorfeqarnitta atornerlunneratigut imaluunniit pissaanermik imaluunniit qunusaarinerit atornerisigut inunnik, ingerlatseqatigiiffinnit imaluunniit suleqatigiiffinnik sunniiniassanngilagut.
3. Naapertuilluannnginneq unneqqaserlunnerluunniit atorlugit iluanaarumalluta puupassarineq, sianiinaarineq, imaluunniit tatigineqarnermik atornerluineq atussanngilavut.
4. Eqqunngitsumik pigisanik aningaaniilluunniit pissarsiniarnaviannngilagut imaluunniit taama ittut uagutsinnut isumagisassanngortinneqarsimasut atornerlunnaviarnatigut.
5. Naliliisinnaassutsitsinnut sunniiniarnertut isigineqarsinnaasumik tunissutisinnissatsinnik toqqaannartumik toqqaannanngitsumilluunniit piumasaqassanngilagut tigussanataluunniit. Sulisut nalinginnaasumik inoroorsaarfigineqarnissartik annikitsunillu tunineqarnissartik sulii akuersaarsinnaassavaat.

6. Atorfinititsinermut, pisiniarnermut, ikiorsiinermut, siunnersuinermut allanulluunniit atatillugu ikinngutivut, ilaqtuvut allalluunniit qanimut attuumassuteqarfigisavut salliutittassanngilavut.
7. Ileqqorissaarnikkut najoqqutassanik taakkuninnga unioqqutitsisoqarsimaneranik uppersaatissaqartitat tamaasa tunngavissalimmilluunniit pasitsaassinerit tamaasa nalunaarutigisassavavut.

## 9. Unioqqutitsisunik nalunaaruteqartarneq.

Suliffimmi inatsisaatsuliortoqarneranik allanilluunniit annertuunik unioqqutitsisoqarneranik sulisut ilisimasaqalersut toqqissillutik oqaaseqarsinnaaqqullugit suliffeqarfiup ammasumik pissuseqarfiunissaa Kommune Kujallermit kissaatigineqarpoq. Taamaammatt paasisutissat taama ittut saqqummernissaat Kommune Kujallermit pingaaruteqarpoq. Sulisulli ilaanni pasitsaassaminnik oqaluttuarumangissinnaasarput suleqatimmut tunniusimangitsumik pissuseqarnissartik piumannnginnamikku imaluunniit akiniarneqarnissartik ersigigamikku. Sulisut ataasiakkaat akisussaaffiginnigilaat pisut inatsisunik unioqqutitsinerunersut imaluunniit malittarisassanik sukumiisumik uniuinerunersut nalilersussallugu, kisiannili sulisut ataasiakkaat pisussaaffigaat paasisutissat tamakku Kommune Kujallermit nalunaarutigissallugit, taama unioqqutitsisoqarsimaneranik pasitsaasaqaruni imaluunniit toqqaannartumik ilisimasaqaruni. Taamaammatt Kommune Kujalleq aalajangerpoq unioqqutitsisunik nalunaaruteqartarnermik aallartitsiniarluni, tamatumanilu inatsisunik unioqqutitsinernik annerusunik minnerusuniluunniit pasitsaassinerit toqqaannartumilluunniit ilisimanninnerit nalunaarutigineqarsinnaapput - aamma kinaassuseq nalunaarutiginnigikkaluarlugu.

Kikkut nalunaaruteqarsinnaappat?

Kommune Kujallermit sulisut tamarmik Kommune Kujalliup unioqqutitsisunik nalunaaruteqartarfia atorlugu nalunaaruteqarsinnaapput.

Kikkut nalunaarutigineqarsinnaappat?

Unioqqutitsisunik nalunaaruteqartarfik atorlugu inuit nalunaarutigineqarsinnaasut tassaapput Kommune Kujalliup sulisui, kommunalbestyrelsemi ilaasortat kiisalu kommunip kukkunersiuisui.

Suut nalunaarutigineqarsinnaappat?

Inatsisaatsuliornermik kiisalu annertuunik unioqqutitsinernik allanik Kommune Kujallermit pingaaruteqartunik imaluunniit avatangiisinut inuulluunniit inuuneranut peqqissusianullu annertuumik sunniuteqartunik nalunaaruteqartoqarsinnaavoq. Taamatut inatsisaatsuliorneri annertuumillu unioqqutitsisarnerit tassaajuaannarput:

- Aningaasatigut annertuumik pinerlunnerit, tassunga ilanngullugit akiliilluni peqquserlutsitsineq, peqquserlunneq, peqquserlulluni allagaasioq assigisaalluunniit.

- Naatsorsuusiormi suliffeqarfullu iluani kukkunersiormi malitassanik uniuinerit

- Avatangiisinik mingutsitsinerit - Sullivimmi avatangiisitigut isumannaallisaanermi malitassanik annertuumik unioqqutitsinerit

- Pisut ilungersunartut sulisumut tunngassuteqartut, soorlu persuttaaneq kinguaassiutitigullu atornerluineq. Pisut nalunaarutigineqarsinnaangitsut soorlu tassaapput inukkutilliineq, suleqatigiinnikkut ajornartorsiutit, suliamut pikkorlunneq, sulinngitsoornerit, suliffimmi atisalersormerit maleruqqusat malinneqannginnerat aammalu assigisaat. Pisut tamakku unioqqutitsinernik nalunaaruteqartarfimmut nalunaarutigineqarunik itigartissutaassapput,

nalunaarummillu nassiussisoq aqutsisuminut qaninnerpaamut imaluunniit Sulisoqarnermut Immikkoortortaqarfimmu saaffiginninnissaanut qinnuigineqassaaq.

Kina misissuineramik ingerlatsisuussava?

Nalunaarutigineqartut tamarmik Nuna Advokatinit suliarineqarlutillu misissorneqassapput, taannalu avataaniit misissuisussatut toqqarneqarsimavoq, ikiortigineqassappullu kommunip pisortaanera aammalu sulisoqarnermut pisortaq. Nalunaarut kommunip pisortaaneranut imaluunniit sulisoqarnermut pisortamut tunngasuuppat inuit taakku misissuinerpiamut ilaatinneqassanngillat.

Nalunaarutit suliarineqarneri qanoq ingerlanneqartarpat?

Kommune Kujallermi unioqutitsinernik nalunaaruteqartarfimmu nalunaarummik tigusaqarnermiit kingusinnerpaamik ulloq suliffiusoq ataaseq qaangiutsinnagu misissuisup aallarniutigalugu misissuineq ingerlatissavaa, tassani paasiniarneqassaaq pissutsit taaneqartut qanimut misissugassaanersut, tassa pissutsit pineqartut pissutsinik eqqunngitsuusorisani saqqummiussisarnermut tunngassuteqarnersut paasiniarneqassammata. Piffissaliunneqartup iluani misissuisoq Kommunip pisortaaneranut kiisalu sulisoqarnermut pisortamut inassuteqaammik nassiussissaaq, taakkulu ullut amerlanngitsut iluanni nalunaarut qanimut misissorneqassanersoq aalajangiiffigissavaat. Nalunaaruteqartarnerup eqqunngitsunik pasilliutinut taamalu pinngitsuusut pasilliinermut eqqugaanissaannut atorneqannginnissaa pingaaruteqarpoq. Nalunaarutit tamarmik eqqortumik siunertaqarluni tunniunneqartassapput. Sulisoqarnermut Immikkoortortaqarfiup pisortaa, Pisortaanerup tullia imaluunniit Pisortaneq nalunaarutigineqarsimappata eqqartuussissuserisoqarfik avataaneersoq aqcutigalugu misissuisoqassaaq. Nalunaarutigineqartut tamarmik upperinninnermik tunngaveqassapput.

Qanoq nalunaaruteqartoqarsinnaava?

Pisut Kommune Kujalliup unioqutitsinernik nalunaaruteqartarfianut nalunaarutigineqartassapput. Allatigut nalunaaruteqartoqarsinnaanngilaq, soorlu e-mailkkut oqarasuaatikkuunniit. <https://nuna-law.com/kujalleq/> aqcutigalugu nalunaaruteqartoqartassaaq. Nalunaarutiginninneq kalaallisut, danskisut tuluttullu pisinnaavoq. Nalunaaruteqartoqartassaaq "Nalunaarut nutaaq" toqqarlugu. Tamatuma kingorna nalunaaruteqartoqarsinnaavoq.

Nalunaaruteqarnek kinaassutsimillu isertuussineq

Pisumik nalunaaruteqartup kinaassutsiminik isertuussissanerluni isertuussissannginnerluniluunniit nammineq aalajangissavaa. Kommune Kujalliulli sulisunut kajumissaarutigaa pisut ernumagisatik tamaasa nalunaarutigisaqqullugit, kiisalu unioqutitsinik nalunaaruteqartarfik atorlugu nalunaaruteqartut kajumissaarneqarput kinaassusertik ilisimatitsissutigisaqqullugu.

Nalunaaruteqartulli eqqumaffigissavaa nalunaaruteqarnermini kinaassutsiminik ersersitsisinnaasumik paasissutisanik ilanngussinnginnissani. Nalunaarutiginnittup atini, mailini, oqarasuaatimi normua allalluunniit ilisarinnilersitsisut ilisimatitsissutigigunigit nammineq kinaassutsiminik isertuussiniarnera atorunnaassaaq. Pissutsit sukumiinerusumik misissugassaanersut paasiniarlugu kinaassutsiminnik isertuussilluni isertuussinaniilluunniit nalunaarutigineqartut misissuisumit nalilersorneqartassapput. Inuk ajunngitsumik isumaqarluni pisumik nalunaarsimasoq immikkoortinneqannginnissaanik imaluunniit pillaatitut akiniaaffigitinnginnissaanik inuup suliamik misissuisup suut tamaasa atorlugit qulakkiissavaa.

Nalunaarutiginninnermik malitseqartitsineq

Nalunaarutiginnittup nalunaarutimi suliarineqarneranik malinnaanissaa pingaaruteqarpoq. Misissuisut paasissutissanik unioqutitsinik nalunaaruteqartarfik atorlugu paasissutissanik itisileeqqusillutik apersuisinnaapput. Nalunaaruteqartoq aamma suliap suliarineqarneranik malinnaasinnaavoq. Tamanna pissaaq nalunaarutiginninnermi siullermi ilisarnaat isissutissaq pissarsiarineqartoq atorlugu. Ississutissaq taanna nalunaarutiginnittup toqqussavaa. Isissutissaq



taanna kisiat atorlugu nalunaarutiginnittup suliap qanoq suliarineqarnera malinnaaffigisinnaavaa aamma misissuisup apeqqtigeratarsinnaasai malinnaavigisinnaallugit. Nalunaarutiginnittup suliaq malinnaavigissaguniuk isissutissaq immersugassami talerpimmiittumi allassinnaavaa. Tamassuma kingorna nalunaarutiginnittoq iserfissamut nutaamut ingerlaqqissaaq, tassanilu misissuisup suliamik ingerlatsinermini killiffigisaa takuneqarsinnaavoq. Nalunaarutiginnittoq taanna aqutigalugu ilisimatinneqassaaq suliaq itigartinneqarnersoq imaluunniit misissuisumit apeqqtinik amerlanernik itisileeqquneqassanerluni. Nalunaarutiginnittoq tassani suliamut paasissutissanik nutaanik imaluunniit kakkiussanik nutaanik ilanngussinissaminut aamma periarfissaqarpoq. Taamaattumik nalunaarutiginnittup suliap qanoq suliarineqarneranik malinnaaffigineqarnissaa pingaaruteqarpoq.

Nalunaarutigineqarsimasup ilisimatinneqarnera  
Kinaluunniit unioqquitsinini pillugu nalunaarutigineqartoq tamatumingga ilisimatinneqassaaq.  
Suliami uppersaatinik pissarsiniarnermut atatillugu pisariaqassappat ilisimatitsineq kinguartinneqarsinnaavoq. Aamma inuk nalunaarutigineqaraluarluni pinngitsuutinneqartoq tamatumingga nalunaarfigineqassaaq.

Apeqqutit

Unioqquitsinernik nalunaaruteqartarnek pilluigu apeqqtissaqaruit e-mailimut uunga saaffiginissinnaavutit: [hr-afd@kujalleq.gl](mailto:hr-afd@kujalleq.gl)